


唐詩類苑



唐詩類苑第十三卷

仁和卓明卿澂父編輯

華亭張之象玄超

長洲毛文蔚豹孫同校

山部

總山

李嶠咏山一首

地鎮標神秀峨上翠氛泉飛一道帶峰出半天雲
古壁丹青色新花綺綉紋已開封禪所希謁聖明君
太宗咏小山一首

近谷交縈蒞遙峯對出蓮徑細全無磴松小未含煙
沈千運山中一首

樓隱別無事所願早離塵不辭城邑遊禮樂拘束人
邇來歸山林庶事皆吾身何者為形骸誰是智與仁
寂寞了閒事然後知天真咳唾矜榮華迂俯相屈伸
如何巢與由天子不得臣

王季友山中贈十四秘書兄一首

出山秘芸署山色已再春食我山中藥不憶山中人
山中誰余密白髮日相親雀鼠晝夜無知我厨廩貧
有情盡棄捐土石為周身依依舍北松不厭吾南隣

隣夫子質千尋天澤枝葉新今以不材壽非智免斧斤

賀朝清南山一首

湖北雨初晴湖南山盡見岳七石帆影如得海風便
仙穴茅山峯彩雲時一見邀君共保此異錄殘幾卷

宋之問下山歌一首

下嵩山兮多所思携佳人兮步遲遲松間明月長如
此君再遊兮復何時

賈曾和宋之問下山歌一首

良遊晚晚兮月成行紅錦逶迤兮山路長王孫不畱

唐詩類苑 卷之十三 音
兮歲將宴嵩巖仙草兮爲誰芳

宋之問高山引一首

攀雲窈窕兮上躋懸峯長路浩々兮此去何從水一
曲兮腸一曲山一重兮悲一重松檟邈已遠友于何
日逢况滿室兮童稚攢衆慮于心胸天高難訴兮遠
負明聰却望咸京兮揮涕龍鐘

萬楚小山歌一首

人說淮南有小山淮王昔日此登仙城中鷄犬皆飛
去山上壇場今宛然世人貴身不貴壽共笑華陽洞
天口不知今日變長年謾在人間恋携手君能舉帆

至淮南家住盱眙余允諳桐栢亂流平入海茱萸一
曲沸成潭憶記來時魂悄悄想見仙山衆峯小今日
長歌思不堪君行爲報三春鳥

殷遙山行一首

寂歷青山曉山行趣不稀野花成子落江燕引雛飛
暗草熏苔徑晴楊拂石磯俗人猶語此余亦轉忘歸

杜甫土山一首

一饋功盈尺三峰意出群望中疑在野幽處欲生雲
慈竹春陰覆香爐曉勢分惟南將獻壽佳氣日氛氲
李嶠劉侍讀見和山邱篇什重申此贈一首

唐詩類苑 卷之二十一 泰山
神嶽瑤池圃仙宮玉樹林垂時警天御清暑滌宸襟
梁駕陪玄賞滄庭掩翠岑對巖龍岫出分壑鳳池深
簷迥松蘿映窓高石鏡臨落泉奔澗響驚吹助猿吟
野氣迷涼燠山花雜古今英藩盛賓侶勝境相招尋
踐徑披蘭葉攀崖引桂陰穆生時泛醴鄒子或調琴
雉翳分場合魚鉤向浦沉朝遊極斜景夕宴待橫參
頽已慙鉛鏘叨名齒璫簪暫依朱邸館還暢白雲心
介叔信多羨煙霞得所欽寓言摠宿志竊吹簡知音
獎價踰珍石酬文重振金方從仁智所携手濯清澗

泰山

李白登太山六首

四月上泰山石屏御道開六龍過萬壑澗谷隨縈迴
馬跡遶碧峯于今滿青苔飛流灑絕巘水急松聲哀
北眺寧嶂奇傾崖向東摧洞門閉石翁地低興雲霄
登高望蓬瀛想象金銀臺天門一長嘯萬里清風來
王女四五人飄颻下九垓含笑引素手遺我流霞盃
稽首冉拜之自愧非仙才曠然小宇宙棄世何悠哉

又

清曉騎白鹿直上天門山山際逢羽人方瞳好容顏
捫蘿欲就語却掩青雲關遺我鳥跡書飄然落巖間

其字乃上古讀之了不閑感此三歎息從師方未還

又

平明登日觀舉手開雲閤精神四飛揚如出天地間
黃河從西來窈窕入遠山憑崖攬八極目盡長空闊
偶然值青童綠髮雙雲鬟笑我晚學仙蹉跎凋朱顏
躊躇忽不見浩蕩難追攀

又

清齋三千日裂素寫道經吟誦有所得衆神衛我形
雲行信長風颭若羽翼生攀崖上日觀伏檻窺東溟
海色動遠山天鷄已先鳴銀臺出倒景白浪翻長鯨

安得不死藥高飛向蓬瀛

又

日觀東北傾兩崖夾雙石海水落眼前天光遙空碧
千峰爭攢聚萬壑絕凌歷緬彼鶴上仙去無雲中跡
長松入雲漢遠望不盈尺山花異人間五月雪中白
終當遇安期于此鍊玉液

又

朝飲王母池暝投天門閤獨抱綠綺琴夜行青山間
山明月露白夜靜松風歌仙人遊碧峰處處笙歌發
寂聽娛清暉玉真連翠微想像鸞鳳舞飄飄龍虎衣

唐詩類苑 卷之十一 三山詩
捫天摘匏瓜恍惚不憶歸舉手弄清淺誤攀織女机
明晨坐相失但見五雲飛

李白送范山人歸太山一首

魯客抱白鶴別余往泰山初行若片雪杳在青崖間
高七至天門海日近可攀雲生望不及此去何時還

杜甫望嶽一首

岱宗夫如何齊魯青未了造化鍾神秀陰陽割昏曉
盪曾生層雲決皆入歸鳥會當凌絕頂一覽衆山小

杜甫望嶽一首

南嶽配朱鳥秩禮自百王歛吸領地靈鴻洞半炎方

邦家用祀典在德非馨香巡守何寂寥有虞生則忘
洎吾隘世網行邁越瀟湘渴日絕壁出漾舟清光旁
祝融五峯尊峯七吹低昂紫蓋獨不朝爭長躒相望
恭聞魏夫人群仙夾翱翔有時五峰氣散風如飛霜
牽迫限脩途未暇杖崇岡歸來覬命駕沐浴休玉堂
三歎問府主曷以贊我皇牲璧恐衰俗神其思降祥

衡山

李白與諸公送陳郎將歸衡陽一首并序

仲尼旅人文王明夷苟非其時聖賢低眉况僕
之不肖者而遷逐枯槁固非其宜朝心不開暮

髮盡白而登高送遠使人增愁陳郎將義風凜
然英思逸發來下曹城之榻去邀才子之詩動
清興于中流泛素波而徑去諸公仰望不及連
章祖之序慚起予輒冠名賢之首作者嗤我乃
爲撫掌之資乎

衡山蒼蒼入紫冥下看南極老人星迴颿吹散五峯
雪徃徃飛花落洞庭氣清嶽秀有如此郎將一家拖
金紫門前食客亂浮雲世人皆比孟嘗君江上送行
無白璧臨岐惆悵若爲分

李白江上送女道士褚三清遊南嶽一首

吳江女道士頭戴蓮花巾霓裳不濕雨特異陽臺神
足下遠遊履凌波生素塵倦尋向南嶽應見魏夫人

華山

陶翰望太華贈盧司倉一首

作吏列西華乃觀三峯壯戍削元氣中傑出天漢上
如有飛動色不知青冥狀巨靈安在哉厥迹猶可望
方此顧行旅未由飭仙裝葱曩記星壇明滅數雲障
良友垂真契宿心所徵尚敢投歸山吟霞徑一相訪

王昌齡過華陰一首

雲起太華山雲山乍明滅東峯始含景了了見松雪

唐詩卷之五
七
韞人感幽棲，宵映轉奇絕。欣然忘所疲，未望吟不輟。
信宿百里出，餘閑玩新月。何意乍溟七，遇物遂遷別。
人生屢如此，何以肆愉悅。

王維華岳一首

西岳出浮雲，積翠在太清。連天疑黛色，百里遙青冥。
白日爲之寒，森沈華陰城。昔聞乾坤閉，造化生已靈。
右足踏方止，左手推削成。天地忽開拆，大河注東溟。
遂爲西峙岳，雄雄鎮秦京。大君包覆載，至德被羣生。
上帝佇昭告，金天恩奉迎。人祇望幸久，何獨禪云亭。
祖咏觀華岳一首

西入秦關口，南瞻驛路連。彩雲生闕下，松樹倒祠邊。
作鎮當官道，雄都俯大川。危峯徑上處，彷彿有神仙。

杜甫望岳一首

西嶽峻嶒竦，處尊諸峯羅。立似兒孫安，得仙人九節。
杖柱到玉女，洗頭盆車箱。人谷無歸路，箭括通天右。
一門稍待秋風涼，冷后高尋白帝問真源。

崔顥行經華陰一首

峇嶢太華俯咸京，天外三峯削不成。武帝祠前雲欲
散，仙人掌上雨初晴。河山北枕秦關險，驛樹西連漢
時平。借問路傍名利客，無如此處學長生。

唐詩卷之十一
玄宗述經華嶽一首

飭駕去京邑鳴鑾指洛川
循途經太華迴蹕暫周旋
翠萼留斜影懸巖冒夕煙
四方皆石壁五位配金天
彷彿看高掌依稀聽子先
終當銘歲月從此記靈仙
張說奉和聖製途經華嶽應制一首

西嶽鎮皇京中峰入太清
玉鑾重嶺應綈騎薄雲迎
霽日懸高掌寒空映削成
軒游會神處漢幸望山晴
舊廟青林古新碑綠字生
羣臣願封岱還駕勒鴻名
張九齡奉和聖製途經華嶽應制一首

萬乘華山下千巖雲漢中
靈居雖突密睿覽忽玄同
日月臨高掌神仙仰大風
攢峯勢岌岌翊贊氣雄雄
揆物知幽贊銘勳表聖衷
會應陪檢玉來此告成功

孔德紹行經太華一首

紛吾世網暇靈岳徒幽尋
寥廓風塵遠杳冥川谷深
山昏五里霧日落二華陰
踈風起蓮葉危塞隱桃林
何必東都外此處可抽簪

嵩山

宋之問嵩山天門歌一首

登天門兮坐磐石之磷砢
前澗澗兮未半下漠漠兮
無垠紛窈窕兮巖倚披以鵬翅
洞膠葛兮峯稜層以

龍鱗松移岫轉左變而右易風生雲起出鬼而入神
吾亦不知其靈怪如此願遊杳冥兮見羽人重曰天
門兮穹崇廻合兮攢藂松萬接兮柱日石十尋兮倚
空晚雲兮足風夕陽兮赭紅試一望兮奪魄况衆妙
之無窮

王維歸嵩山作一首

清川帶長薄車馬去閒閒流木如有意暮禽相與還
荒城臨古渡落日滿秋山迢遞嵩高下歸來且閉關

李白送楊山人歸嵩山一首

我有萬古宅嵩陽玉女峰長留一片月掛在東溪松

尔去掇仙草菖蒲花紫茸歲晚相或訪青天騎白龍

沈佺期嵩山石淙侍宴應制一首

金輿旦下綠雲衢彩殿晴臨碧澗隅溪水泠泠逐行
漏山煙片片引香爐仙人六膳調神出玉女三漿捧
帝壺自惜汾陽紆道駕無如太室覽真圖

宋之問嵩山石淙侍宴應制一首

離宮秘苑勝瀛洲別有仙人洞壑幽巖邊樹色含風
冷石上泉聲帶雨秋鳥向歌筵來度曲雲依帳殿結
爲樓微臣昔忝方明御今日還陪八駿遊

王屋山

李白寄王屋山人孟大融一首

我昔東海上勞山食紫霞親見安期公食棗大如瓜
中年謁漢主不愜還歸家朱顏謝春暉白髮見生涯
所期就金液飛步登雲車願隨夫子天壇上閒與仙
人掃落花

李白送王屋山人魏萬還王屋一首

王屋山人魏萬云自嵩宋公吳相訪數千里不
遇乘興遊台越經永嘉觀謝公石門後于廣陵
相見羨其愛文好古浪迹方外因述其行而贈
是詩

仙人東方生浩蕩弄雲海沛然乘天遊獨徃失所在
魏侯繼大名本家聊攝城卷舒入元化跡與古賢并
十三弄文史揮筆如振綺辯折田巴生心齊魯連子
西涉清洛源頗驚人世喧採秀卧王屋因窺洞天門
竭來遊嵩峯羽客何雙七朝携月光子暮宿玉女窓
鬼谷上窈窕龍潭下奔滾東浮汴河水訪我三千里
逸興滿吳雲飄飄浙江汜揮手杭越間章亭望潮還
濤捲海門石雪橫天際山白馬走素車雷奔駭心顏
遙聞會稽美且度耶溪水萬壑與千宮崢嶸鏡湖裏
秀色不可名清輝滿江城人遊月邊去舟在空中行

厚言盡死 元卷之十一 山部
此中又延佇入剡尋王許笑讀曹娥碑沉吟黃絹語
天台連四明日入向國清五峯轉月色百里行松聲
靈溪恣泐越華頂殊超忽石梁橫清天側足履半月
眷然思未嘉不憚海路賒掛席歷海嶠迴瞻赤城霞
赤城漸微沒孤嶼前嶢兀水續萬古流亭空千霜月
縉雲川谷難石門最可觀瀑布挂北斗莫窮此水端
噴壁洒素雪空濛生晝寒却尋惡溪去寧惧惡溪惡
咆哮七十灘水石相噴薄路創李北海巖開謝康樂
松風和猿聲拽索連洞壑徑出梅花橋雙溪納歸潮
落帆金華岸赤松若可招沈約八咏樓城西孤岩嶢

岩嶢四荒外曠望群川會雲捲天地開波連浙西大
亂流新安口北指嚴光瀨釣臺碧雲中邈與蒼嶺對
稍稍來吳都徘徊上姑蘇煙綿橫九疑漭蕩見五湖
目極心更遠悲歌但長吁迴橈楚江濱揮策揚子津
身著日本裘昂藏出風塵五月造我語知非佞儼人
相逢樂無限水石日在眼徒干五諸侯不致百金產
吾友揚子雲絃歌播清芬雖爲江寧宰好與山公群
乘興但一行且知我愛君君來幾何時仙臺應有期
東窓綠玉樹定長三五枝至今天壇人當笑爾歸遲
我苦惜遠別茫然使心悲黃河若不斷白首長相思

李嶠王屋山第之側構小亭暇日與群公

同遊一首

桂亭依絕巘蘭榭俯回溪綺棟魚鱗出雕甍鳳羽棲
引泉聊漲沼鑿磴且通蹊席上山花落簾前野樹低
戈林開曙暑釣渚發晴寬狎水驚梁鴈臨風听楚鷄
復看題柳葉弥喜蔭桐圭

巫山

喬知之巫山高一首

巫山卜二峰參差互隱見潯陽幾千里周覽忽已遍
想像神女姿摘芳共珍薦楚雲何逶迤紅樹日葱蒨

楚雲沒湘源紅樹斷荆門郢路不可見况復夜聞猿

凌敬巫山高一首

巫岫鬱岩峽高七入紫霄白雲間危石玄猿挂河條
懸崖激巨浪脆葉殞驚颿别有陽臺處風雨共飄飄

李元操巫山高一首

荆門對巫峽雲夢邇陽臺燎火如奔電墜石似驚雷
天寒秋水急風靜夜猿哀枕席無由薦朝雲徒去來

盧照隣巫山高一首

巫山望不極望七下朝氛莫辨啼猿樹徒看神女雲
驚濤亂水脉驟雨暗峯文霞裳即此地况復遠思君

沈佺期巫山高一首

巫山高不極，合沓狀奇新。暗谷疑風雨，陰崖若鬼神。
月明三峽曉，潮滿九江春。為問陽臺客，應知入夢人。

宋之問巫山高一首

巫山峯十二，環合象昭回。俯聽琵琶峽，平看雲雨臺。
古槎天外落，瀑水日邊來。何恐猿啼夜，荆王枕席開。

鄭世翼巫山高一首

巫山凌太清，岩峽類削成。霏霏暮雨合，藹藹朝雲生。
危峯入鳥道，深谷瀉猿聲。別有幽棲客，淹留攀桂情。

張九齡巫山高一首

巫山與天近，煙景嘗青熒。此中楚王夢，夢得神女靈。
神女去已久，雲雨空冥冥。唯有巴猿嘯，哀音不可聽。

張子容巫山一首

巫嶺岩峽天際重，佳期宿昔願相從。朝雲暮雨連天
暗，神女知來第幾峯。

李白宿巫山一首

昨夜巫山下，猿聲夢裏長。桃花飛綠水，三月下瞿塘。
雨色風吹去，南行拂楚王。高丘懷宋玉，訪古一霑裳。

終南山

李白望終南山寄紫閣隱者一首

唐詩類苑 卷之十三 出
出門見南山引領意無限秀色難爲名蒼翠日在眼
有時白雲起天際自舒卷心中與之然託興每不淺
何當造幽人滅跡棲絕巘

王維贈徐中書望終南山歌一首

晚下兮紫微悵塵事兮多遠駐馬兮雙樹望青山兮
不歸

太宗望終南山一首

重巒俯渭水碧嶂插遙天出紅扶嶺日入翠貯岩煙
疊松朝若夜複岫闕疑全對此恬千慮無勞訪九仙
楊師道賦終南山用風字韻應詔一首

睿言懷隱逸輟駕踐幽叢白雲飛夏雨碧嶺橫春虹
草綠長楊路花踈五柞宮登臨日將晚蘭桂起香風

杜審言蓬萊三殿侍宴奉勅咏終南山應制

一首

北斗掛城邊南山倚殿前雲標金闕迴樹杪玉堂懸
半嶺通佳氣中峯繞瑞煙小臣持獻壽長此戴堯天

王維終南山一首

太一近天都連山到海隅白雲迴望合青靄入看無
分野中峯變陰晴衆壑殊欲投人處宿隔水問樵夫
孟浩然歸終南山一首

唐詩類苑 卷之十一 廬山
北闕休上書南山歸弊廬不才明主棄多病故人踈
白髮催年老青陽逼歲除永懷愁不寐松月夜窓虛
孟浩然入南山一首

瘴氣晚氛氲南山復水雲鯤飛今始見鳥墮舊來聞
地接長沙近江從汨渚分賈生曾吊屈子亦痛斯文

廬山

張九齡出爲豫章郡途次廬山東巖下一首
茲山鎮何所乃在澄湖陰下有蛟螭伏上與虹蜺尋
靈仙未始曠窈宅何其深雙闕出雲峙三公入煙沉
攀崖猶昔境種杏非舊林想像終古跡惆悵獨徃心

紛吾嬰世網數載忝朝簪孤根自靡託量力况不任
多謝周身防常恐橫議侵豈匪鵠鴻列惕如泉壑臨
迨茲刺江都來此滌塵襟有趣逢樵客忘懷狎野禽
棲閑義未果用拙歡在今願言答休命歸事丘中琴

李白贈王判官一首

昔別黃鶴樓蹉跎淮海秋俱飄零落葉各散洞庭流
中年不相見躑躅遊吳越何處我思君天台綠蘿月
會稽風月好却繞剡溪迴雲山海上出人物鏡中來
一度浙江北十年醉楚臺荆門倒屈宋梁苑傾鄒枚
苦笑我誇誕知音安在哉大盜割鴻溝如風掃秋華

唐詩類苑 卷之十三 山部 十一 荆齋題本
吾非濟代人且隱屏風疊中夜天中望憶君思見君
明朝拂衣去求與海鷗群

李白廬山謠寄盧侍御虛舟一首

我本楚狂人鳳歌笑孔丘手持綠玉杖朝別黃鶴樓
五岳尋仙不辭遠一生好入名山遊廬山秀山南斗
傍屏風九疊雲錦張影落明湖青黛光金闕前開二
峯長銀河倒挂三石梁香爐瀑布遙相望迴崖沓嶂
臨蒼蒼翠影紅霞映朝日鳥飛不到吳天長登高壯
觀天地間大江茫茫去不還黃雲萬里動風色白波
九道流雪山好爲廬山謠興因廬山發閑窺石鏡清

我心謝公行處蒼苔沒早服還丹無世情琴心三疊
道初成遙見仙人綵雲裏手把芙蓉朝玉京先期汗
漫九垓上願接盧敖遊太清

王昌齡送東林簾上人歸廬山一首

石溪流已亂苔徑人漸微日暮東林山僧還獨歸
昔爲廬峯意况與遠公違道性深寂寞世情多是非
會尋名山去豈復望清輝

孟浩然湖中望廬山一首

太虛生月暈舟子知天風挂席知明發渺望平湖中
中流見匡阜勢壓九江雄黥黥容鬢色崢嶸當曉空

香爐初上日瀑水噴長虹久欲追尚子况茲懷遠公
我来恨于役未暇息微躬淮海途將半星霜歲欲窮
寄言巖棲者畢趣當來同

天台山

李白送揚山人歸天台一首

客有思天台東行路超忽濤落浙江秋沙明浦陽月
今遊方厭楚昨夢先歸越且盡秉燭歡無辭凌晨發
我家小阮賢剖竹赤城邊詩人多見重官燭未曾然
興引登山屨情催泛海船石橋如可渡携手弄雲煙

李白天台曉望一首

天台鄰四明華頂高百越門標赤城霞樓樓滄島月
憑高登遠覽直下見溟渤雲垂大鵬翻波動巨鰲沒
風潮爭洶湧神恠何翕忽觀竒跡無倪好道心不歇
攀條摘朱實服藥鍊金骨安得生羽毛千春卧蓬闕

孟浩然尋天台山一首

吾愛太一子餐霞卧赤城欲尋華頂去不憚惡溪名
歌馬憑雲宿揚帆截海行高七翠微裏遙見石梁橫

龍門山

沈佺期過蜀龍門一首

龍門非禹鑿詭怪乃天功西南出巴峽不與衆山同

唐詩類苑 卷之十一 山部 十一 長短亘五里宛轉復嵌空伏湍照潛石瀑水生輪風
流水無晝夜噴薄龍門中潭河勢不測藻葩垂綵紅
我行當季月烟景共春融江閔勒亦殷巘寧意難窮
誓將息机事煉藥此山東

宋之問龍門應制一首

宿雨霽氛埃流雲度城闕河堤柳新翠苑樹花先發
洛陽花柳此時穠山水樓臺映幾重群公拂露朝翔
鳳天子乘春幸鑿龍鑿龍近出王城外羽從淋漓擁
軒蓋雲蹕纔臨御水橋天衣已入香山會山壁巖巖
斷復連清流澄澈俯伊川馬塔遙上綠波上星龕奕

七翠微邊層巒舊長千尋木遠壑初分萬丈泉綵仗
紅旌繞香閣下輦登高望河洛東城宮闕擬昭回南
陌溝塹殊綺錯林下天香七寶臺山中有酒萬年盃
微風一起祥花落仙樂初鳴瑞鳥來鳥來花落紛無
已稱觴獻壽香霞裡歌舞淹留景欲斜石間猶駐五
雲車鳥旗翼七畱芳草龍騎駸七映晚花千乘萬騎
鑾輿出水靜山空巖警蹕郊外喧喧引看人傾都南
望屬車塵囂聲引颺聞黃道王氣周回入紫宸先王
定鼎山河固寶命乘周萬物新吾君不事瑤池樂時
雨來觀農扈春

杜甫龍門一首

龍門橫野斷驛樹出城來氣色皇居近金銀佛寺開
往來時屢改川陸日悠哉相閱征途上生涯盡幾回
武三思奉和遊龍門應制一首

鳳駕臨香地龍輿上翠微星宮含雨氣月殿抱春輝
碧澗長虹下雕梁早燕歸雲疑浮寶蓋石似拂天衣
露草侵堦長風花繞席飛日斜宸賞洽清吹入重闈

唐詩類苑第十三卷終

唐詩類苑第十四卷

仁和卓明卿澂父編輯

華亭張之象玄超

長洲毛文蔚豹孫同校

山部

峴山

孟浩然與諸子登峴山一首

人事有代謝往來成古今江山留勝跡我輩復登臨
水落魚樑淺天寒夢澤深羊公碑尚在讀罷淚沾襟
孟浩然峴山送蕭員外之荆一首

峴山江岸曲郢水郭門前自古登臨處非今獨黯然
亭樓明落照井邑秀通川澗竹生幽興林風入管絃
再飛鵬激水一舉鶴冲天佇立三荆使看君駟馬旋

張九齡登襄陽峴山一首

昔年亟攀踐征馬復來過信若山川舊誰知歲月何
蜀相今安在羊公碣已磨令圖猶寂寞嘉會亦蹉跎
宛上樊城岸悠上漢水波逶迤春日遠感寄客情多
地本園林秀朝來煙景和同心不同賞留賞此巖阿

鹿門山

孟浩然題鹿門山一首

清曉因興來乘流越江峴沙禽近方識浦樹遠莫辨
漸至鹿門山山明翠微淺巖潭多屈曲舟楫屢迴轉
昔聞龐德公採藥遂不返金澗養芝朮石床卧苔蘚
紛吾感耆舊結攬事攀踐隱迹今尚存高風邈已遠
白雲何時去丹桂空偃蹇探討意未窮迴艦夕陽晚

閻防夕次鹿門山一首

龐公嘉遁所浪迹難追攀浮舟暝始至抱杖聊自閑
雙闕開鹿門百谷集珠灣噴薄湍上水春容漂裏山
進原不足險梁壑未成艱我行自春仲夏鳥忽綿蠻
蕙草色已晚客心殊倦還遠遊非避地訪道愛童顏

唐詩類苑 卷之十四 詩部 李白詩
安能循機巧爭奪錐刀間

孟浩然夜歸鹿門歌一首

山寺鳴鐘晝已昏
漁梁渡頭爭渡喧
人隨沙岸向江村
予亦乘舟歸鹿門
鹿門月照開烟樹
忽到龐公棲隱處
巖扉松徑長寂寥
惟有幽人自來去

孟浩然和張明府登鹿門山一首

忽示祭高作能寬
旅寓情絃歌既多暇
山水思弥清
草得風先動
虹因雨後成
謬承巴俚和
非敢應同聲

鳴臯山

李白送岑徵君歸鳴臯山一首

岑公相門子雅望歸安石
奕世皆夔龍中台竟三拆
至人達幾兆高揖九州伯
柰何天地間而作隱淪客
貴道能全真潛輝卧函隣
探元入窅默觀化遊無垠
光武有天下嚴陵爲故人
雖登洛陽殿不屈巢由身
余亦謝明主今稱偃蹇臣
登高覽萬古思與廣成隣
蹈海寧受賞還山非問津
西來一搖扇共拂元規塵
李白鳴臯歌送岑徵君一首

若有人兮思鳴臯阻積雪
兮心煩勞洪河凌競不可
以徑度冰龍鱗兮難容舸
覲仙山之峻極兮聞天籟
之嘈嘈霜厓縞皓以合沓
兮若長風扇海湧滄溟之

唐詩類苑 卷之十四 山部
波濤玄猿綠巖舔談崙岌危柯振石駭膽慄鬼群呼
而相號峯崢嶸以路絕挂星辰予嚴敷送君之歸兮
動鳴臯之新作交鼓吹兮彈絲觴清冷之池閣君不
行兮何待若返顧之黃鶴掃樑園之羣英振大雅于
東洛巾征軒兮歷阻拆尋幽居兮越巘竄盤白石兮
坐素月琴松風兮寂萬壑望不見兮心氛氲蘿冥冥
兮霰紛紛水橫洞以下淥波小聲而上聞虎嘯谷而
風生龍藏溪而吐雲冥鶴清唳飢鼯嘖呻魂獨處此
幽默兮愀空山而愁人鷄聚族以爭食鳳孤飛而無
隣蝦蟇嘲龍魚目混珍娉母衣錦西施負薪若使巢
由桎梏于軒冕兮亦奚異乎夔龍躡躡于風塵哭何
苦而救楚笑何誇而却秦吾誠不能學二千石名矯
節以耀世兮固將棄天地而遺身白鷗兮飛來長與
君兮相親

九華山

李白改九子山爲九華山聯句一首

妙有分二氣靈山開九華李白層標遏遲日半壁明朝

霞高積積雪耀陰壑飛流歆陽崖常權青熒玉樹色縹

緲羽人家李白

天目山

張萬頃登天目山下作一首

去歲離秦望今冬使楚關
淚添天目水髮變海頭山
別母烏南逝辭兄馮北還
宦遊偏不樂長爲憶慈顏

峨眉山

李白登峨眉山一首

蜀國多仙山峨眉邈難匹
周流試登覽絕恠安可息
青冥倚天闕彩錯疑畫出
冷然紫霞賞果得錦囊術
雲間吟瓊簫石上弄寶瑟
平生有微尚歡笑自此畢
烟容如在顏塵累忽相失
倘逢騎手子携手凌白日

虎丘山

顏真卿虎丘山一首

不到東西寺于今五十春
鳩來從舊賞林壑死相親
吳子多藏日秦皇獻聖辰
劍池穿萬仞盤石坐千人
金氣騰爲虎琴堂化作神
登壇仰生一捨宅歎珣珉
中嶺分雙樹迴巒絕四隣
窺臨江海接崇飾四時新
客有神仙者于茲雅麗陳
名高清遠峽文聚斗牛津
跡異心寧間聲同質豈均
悠然千載後知我揖光塵

清遠道士同沈公子遊虎丘寺作一首

我本長殷周遭惟歷秦漢
四瀆與五岳各山盡幽窟
及此寰區中始有近峯翫
近峯何鬱鬱平胡渺瀰漫

吟挽川之陰步上山之岸山川共澄澈光彩交凌亂
白雲蒼欲歸青松忽消半客去川島靜人來山鳥散
谷深中見日崖幽曉非旦聞子盛遊遨風流足詞翰
嘉茲好松石一言常累歎勿謂余鬼神忻君共流贊

秦望山

薛據登秦望山一首

南登秦望山極目大海空朝陽半蕩漾晃朗天水紅
溪壑爭噴薄江湖遞交通而多漁商客不悟歲月窮
振縉迎早潮弭棹候長風余本萍泛者乘流任西東
茫茫大際帆樓泊何時同將尋會稽跡從此訪任公

交崖山

薛據早發交崖山還太室作一首

東林氣微白寒鳥急高翔吾亦自茲去北山歸草堂
杪冬正三五日月遙相望肅七過潁上隴七辨夕陽
川冰生積雪墅火出枯桑獨徃路難盡窮陰人易傷
傷此無依客如何蒙雨霜

魚亭山

薛稷早春魚亭山一首

春氣動百草紛榮時斷續白雲自高妙徘徊空山曲
陽林花已紅寒澗苔未綠伊予息人事蕭寂無營欲

客行雖云遠翫之聊自足

石門山

李白魯郡東石門送杜二甫一首

醉別復幾日登臨徧池臺何言石門路重有金樽開
秋波落泗水海色明徂徠飛蓬各自遠且盡林中杯

杜審言度石門山一首

石門千仞斷送水落遙空道束懸崖半橋欹絕澗中
仰攀人屢息直下騎才通泥擁奔蛇徑雲埋伏獸叢
星纏牛斗北地脉象牙東開塞隨行變高深觸望同
江聲連驟雨日氣抱殘虹未改朱明律先含白露風

堅貞深不憚險澁諒難窮有異登臨賞徒爲造化功

天門山

李白望天門山一首

天門中斷楚江開碧水東流至北回兩岸青山相對
出孤帆一片日邊來

灞陵山

嚴維遊灞陵山一首

入山未盡意勝跡聊獨尋方士去在昔藥堂留至今
四隅白雲閑一路青溪深芳秀愜春日高閑宜遠心
潭分化丹水樹雜昇仙林此道人不悟坐鳴松下琴

望楚山

孟浩然登望楚山一首

山水觀形勝襄陽美會稽最高惟望楚曾未一攀躋
石壁疑削成衆山比全低晴明試登陟目極無端倪
雲夢掌中小武陵花處迷暝還歸騎下蘿月在深溪

皖公山

李白江山望皖公山一首

竒峯出奇雲秀木含秀氣青冥皖公山巉絕稱人意
獨遊滄江上終日淡無味但愛茲嶺高何由討靈異
默然遙相許欲徃心莫遂待吾還丹成投跡歸此地

太行山

玄宗早登太行山中言志一首

清蹕度河陽凝笳上太行火龍鳴鳥道鉄騎繞羊腸
白露埋陰壑丹霞助曉光澗泉含宿凍山木帶餘霜
野老茅爲室樵人薜作裳宣風問耆艾敦俗勸耕桑
涼德慙先哲微猷慕昔皇不因今展義何以冒垂堂
蘇頲奉和聖製早登太行山中言志應制一

首

北山東入海馳道上連天順動三光注登臨萬象懸
俛觀河內邑平指洛陽川按蹕夷關險張旗亘牛泉

唐詩類苑

卷之十四

七

松齋閣本

曉巖中警柝春事下蒐田德重周王問歌輕漢后傳
宸遊鋪令典睿思起芳年願以封書奏迴鑾禪肅然

張說奉和聖製早登太行山中言志應制一

首

六龍鳴玉鑾九折步雲端河眷南浮近山經北上韉
羽儀映松雪戈甲帶春寒百谷晨笳動千巖曉仗攢
皇心感韶節敷藻念人安既立省方館復置建神壇
扈蹕參天老承榮忝夏官長勤百年意思見一勝殘

張九齡奉和聖製早登太行山中言志應制

一首

孟月攝提貞乘時我后征晨巖九折度暮戒六軍行
日御馳中道風師卷太清戈鋌林表出組練雪間明
動植希皇豫高深奉睿情陪遊七聖列望幸百神迎
氣色烟猶喜恩光草尚榮之罍稱萬歲今此復同聲

苗晉卿奉和聖製早登太行山中言志應制

一首

金吾戒道清羽騎動天聲砥路方南紀重巖始北征
関樓前望遠河邑下觀平喜氣迴輿合祥風入旆輕
祝堯三老至會禹百神迎月令農先急春蒐禮後行
仍親后土祭更理晉陽兵不似勞軍轍空留人駿名

唐詩類苑

卷之十四

七

松齋閣本

茅山

儲光羲遊茅山五首

十年別鄉縣西去入皇州此意在觀國不言空遠遊
九衢平若水利往來輕舟北洛反初路東江還故丘
春山多秀木碧澗盡清流不見子桑扈當從方外求

又

世業傳儒行七成非不榮其如懷獨善况以聞長生
家近華陽洞早年深此情巾車雲路入理棹瑤溪行
天地朝光滿江山春色明王庭有軒冕此日方知輕

又

平生非作者望古懷清芬心以道為際行將特不群
茲山在人境靈貺久傳聞遠勢一峯出近形千嶂分
冬春有茂草朝暮多鮮雲此去亦何極但言西日曛

又

昔賢居柱下今我去人間良以直心曠兼之外視閑
垂綸非釣國好學異希顏落日登高嶼悠然望遠山
溪流碧水去雲帶清陰還想見中林士岩扉長不關

又

名岳徵仙事清都訪道書山門入松柏天路溼空虛
南極見朝采西潭聞夜漁遠心尚雲色浪跡山林居

唐詩類苑 卷之十四 山 十一 松 蕭 蕭
為已存實際忘形同化初此行良已矣不樂復何如

綦毋潛茅山洞口一首

華陽仙洞口半嶺拂雲看窈窕穿苔壁差池對石壇
方隨地脉轉稍覺水晶寒未果交金骨歸來茲路難

蒙山

蕭穎士蒙山作一首

東蒙鎮海沂合沓百餘里清秋淨氛靄崖窅隱天起
余汝勞往還息徒蹙攀騎將窮絕迹處偶得其心理
雲氣襍虹霓松聲亂風水微明綠林際杳窅丹洞裏
仙鳥時可聞羽人邈難視此焉多深邃賢達昔所秘

子尚捐俗紛季隨躡遐軌蘊真道彌曠懷古情未已
白鹿凡幾遊黃精復奚似願予尚牽纏家業重書史
少學務從師壯年貴趨仕方馳桂林蒼未暇桃源羨
歲暮期再尋幽哉羨門子

五松山

李白與南陵常贊府遊五松山一首

安石汎溟渤獨嘯長風還逸韻動海上高情出人間
靈異可並跡澹然與世閑我來五松下置酒窮躋攀
徵古絕遺老因名五松山五松何清幽勝境羨沃州
蕭颯鳴洞壑終年風雨秋響入百泉去聽如三峽流

唐詩類苑 卷之十四 詩 一 楊齋題 剪竹掃天花且從傲吏遊龍堂若可憇吾欲歸精脩

李白紀南陵題五松山一首

聖達有去就潛光愚其德魚與龍同池龍去魚不測
當時版築輩豈知傳說情一朝和殷人光氣爲列星
伊尹生空桑捐庖佐皇極桐宮放太甲攝政無媿色
三千帝道明委質終輔翼曠哉至人心萬古可爲則
時命或大謬仲尼將柰何鸞鳳或覆巢麒麟不來過
龜山蔽魯國有斧且無柯歸來歸去來宵濟越洪波

東山

李李東山吟一首

携妓東土山悵然悲謝安我妓今朝如花月他妓古
墳荒草寒白鷄亭後五百歲洒洒澆君同所懽醉來
自作青海舞秋風吹落紫綺冠彼亦一時此亦一時
浩七洪流之詠何必奇

西山

常建西山一首

一身爲輕舟落日西山際常隨去帆影遠接長天勢
物象歸餘清林巒分夕麗亭亭碧流暗日入孤霞繼
日渚遠陰映湖雲尚明霽林昏楚色來岸遠荆門閉
至夜轉清迥蕭蕭此風厲沙邊鴈鷺泊宿處蕪葭蔽

唐詩類苑 卷之十四 山部 十一
圓月逗前浦孤琴又搖曳冷然夜遂深白露霑人衣

亂石山

杜審言南海亂石山作一首

漲海積稽天群山高巖地相傳稱亂石圖典失其事
懸危悉可驚大小都不類乍將雲島極還與星河次
上聳忽如飛下臨仍欲墜朝暎施丹紫交魄炯青翠
穹崇霧雨蓄幽隱靈仙閼萬尋掛鶴巢千丈垂猿臂
昔去景風涉今來姑洗至觀此得詠歌長時想精異

石窟山

張九齡與生公遊石窟山一首

林秘孰云遠忘懷復爾同日尋高深意死是神仙中
躋險邁靈室詭制非人功替洞黜無底殊庭忽似壺
崑名武安鑿自若茅山通造物良有寄嬉遊迺愜衷
猶希宴玉液從此昇雲空咄咄共携手冷然且馭風

翅頭山

包融登翅頭山題儼公石壁一首

晨登翅頭山山曛黃霧起却瞻迷向背直下失城市
瞰日銜東郊朝光生邑里掃除諸烟氛照出衆樓雉
青爲洞庭山白是太湖水蒼茫遠郊樹倏忽不相似
萬象以區別森然共盈几坐令開心胸漸覺落塵滓

北岩千餘仞結廬誰家子願陪中峯遊朝暮白雲裏
鹿頭山

杜甫鹿頭山一首

鹿頭何亭亭是日慰飢渴連山西南斷俯見千里豁
遊子出京華劍門不可越及茲阻險盡始喜原野濶
殊方昔三分霸氣曾間發天下令一家雲端失雙闕
悠然想揚馬繼起名肆兀有文令人傷何處理尔骨
紆徐脂膏地慄澹豪俠窟杖鉞非老臣宣風豈專達
冀公柱石姿論道邦國活斯人亦何幸公鎮踰歲月
松寥山

李白焦山望松寥山一首

石壁望松寥宛然在碧霄安得五綵虹架天作長橋
僊人如愛我舉手來相招

白盭山

杜甫白盭山一首

卓立群峯外蟠根積水邊他皆任厚地爾獨近高天
白盭千家邑清秋萬古舡詞人取佳句刻畫竟誰傳

泥功山

杜甫泥功山一首

朝行青泥上暮在青泥中泥濘非一時版築勞人功

唐詩類苑 卷之十四 山部 十四
不畏道路未及將汨沒同白馬爲鉄驪小兒成老翁
哀猿透却墜死厲力所窮寄語北來人後來莫匆

丈人山

杜甫丈人山一首

自爲青城客不唾青城地爲愛丈人山丹梯近幽意
丈人祠西佳氣濃綠雲擬住最高峯掃除白髮黃精
在君看他特冰雪容

中山

太宗宴中山一首

驅馬出遼陽萬里轉旂常對敵六奇舉臨戎八陣張

斬鯨澄碧海卷霧掃扶桑昔去蘭縈翠今來桂染芳
雲枝浮碎葉冰鏡上朝光回首長安道方懽宴栢梁

許敬宗奉和宴中山應制一首

飛雲旋碧海鮮網宥青丘養賢停八駿觀風駐五牛
張樂臨堯野揚麾歷舜州中山獻仙醕趙媛發清謳
塞門朱鴈入郊藪紫麟遊一舉氛霓靜千齡德化流

三卿山

張九齡奉和聖製早發三卿山行一首

羽衛森七西向秦山川歷歷在青晨晴雲稍卷寒巖
樹宿雨能銷御路塵聖德由來合天道靈符即此應

時巡遺賢一七皆羈致猶欲高深訪隱淪

泉山

孔德紹南隱遊泉山一首

名山狎朝隱俗外遠相求還如倒景望忽似闔風游
臨岸俯大壑披露仰飛流歲古松方偃年深椿欲秋
野花開石逕雲葉掩山樓何須問方士此處即瀛州

峽口山

陳子昂度峽口山贈喬補闕知之王二無競

二首

峽口大漠南橫絕界中國藂石何紛紛小山復翕絕

遠望多衆空逼之無異色崔嵬半孤斷逶迤屢迴直
信閑胡馬衝亦距漢邊塞豈伊河山險新順休明德
物壯誠有衰勢雄良易極遷迤忽而盡決滂平不息
之子黃金軀如何此荒域雲臺盛多士待君丹墀側

火山

岑參經火山一首

火山今始見突兀蒲昌東赤焰燒虜雲炎氛蒸塞空
不知陰陽炭何獨燃此中我來嚴冬時山下尋炎風
人馬盡汗流孰知造化功

峰

李白登太白峯一首

西上太白峯夕陽窮登攀太白與我語為我開天闕
願乘冷風去直出浮雲間舉手可近月前行若無山
一別武功去何時復更還

李白送溫處士歸黃山白鷺峯舊居一首

黃山四千仞三十二蓮峯丹崖夾石柱菡萏金芙蓉
伊昔昇絕頂下窺天目松仙人鍊玉處羽化留餘蹤
亦聞溫伯雪獨往今相逢採秀辭五嶽攀岩歷萬重
歸休白鷺嶺渴飲丹沙井鳳吹我時來雲車爾當整
去去陵陽東行行芳桂叢細溪十六度碧嶂盡晴空

他日還相訪乘橋躡綵虹

常建第三峯一首

西山第三頂茅宇依雙松杳杳欲至天雲梯昇幾重
瑩魄澄玉虛以求鸞鶴蹤逶迤非天人執節乘赤龍
旁映白日光縹緲輕霞容孤輝上煙霧餘影明心胸
願與黃麒麟欲飛而莫從因寂清萬像輕雲自中峯
山暝學棲鳥月來隨暗蜚尋空盡余響嫋嫋雲溪鐘

元結登九疑第二峰一首

九疑第二峰其上有僊壇杉松映飛泉蒼蒼在雲端
何人居此處云是魯女冠不知幾百歲讌坐餌金丹

相傳羽化時雲雀蒲峰巒婦中有高人相望空長嘆
李白望廬山五老峯一首
廬山東南五老峰青天削出金芙蓉九江秀色可攬
結吾將此地巢雲松

孟浩然晚泊潯陽望香爐峯一首

挂席幾千里名山都未逢泊舟潯陽郭始見香爐峯
嘗讀遠公傳永懷塵外蹤東林精舍近日暮坐聞鐘
祖詠蘭峰贈張九臯一首

君王旣巡狩輦路入秦京遠戍低槍壘孤山出幔城
寒踈清禁漏夜警羽林兵誰念迷方客長懷魏闕情

巖

李白安陸白兆山桃花巖寄劉侍御綰一首

雲卧三十年好閑復愛僊蓬壺雖異絕鸞鶴心悠然
歸來桃花巖得憇雲窓眠對嶺人共語飲澗猿相連
時昇翠微上邈若羅浮巔兩岑抱東壑一嶂橫西天
樹襟日易隱崖傾月難圓芳草換野色飛蘿搖春烟
入遠構石室選幽開山田獨此林下意杳無區中緣
永辭霜臺客千載方來旋

元結朝陽巖下歌一首

朝陽巖下湘水深朝陽洞口寒泉清零陵徒有先賢

傳水石為娛安可羨長歌一曲留相勸

嶺

宋之問早發大庾嶺一首

晨躋大庾險驛鞍馳復息霧露晝未開浩途不可測
嶸起華夷界信為造化力歇鞍問徒旅鄉閩在西北
出門愁別家登嶺恨辭國自惟最忠孝斯罪愆所得
皇明頗昭洗廷議日紛惑兄弟遠淪居妻子成異域
羽翼傷已毀童幼憐未識踟躕恋北顧亭午晞霽色
春暖陰梅花瘴回陽烏翼含沙綠澗聚吻草依林植
適蠻悲疾首懷輦泪沾臆感謝鸚鷺朝勤脩魑魅職

生還倘非遠誓擬酬恩德

岑參早上五盤嶺一首

平旦驅駟馬曠然出五盤江回兩岸關日隱群峯攢
蒼翠烟景曙森沉雲樹寒松踈露孤驛花密藏回灘
棧道溪雨滑畚田原草乾此行為知己不覺蜀道難

杜甫五盤嶺一首

五盤雖云險山色佳有餘仰凌棧道細俯映江木踈
地僻無網罟水清反多魚好鳥不妄飛野人半巢居
喜見淳朴俗坦然心神舒東郊尚格鬪巨猾何時除
故鄉有弟妹流落隨丘墟成都萬事好豈若歸吾廬

杜甫積草嶺一首

連峯積長陰白日逝隱見颼颼林響交慘慘石狀變
山分積草嶺路異水明縣旅泊吾道窮衰年歲時倦
卜居尚百里休駕投諸彥邑有佳主人情如已會面
來書語絕妙遠客驚深眷食糜不願餘芽茨眼中見

杜甫木皮嶺一首

首路栗亭西尚想鳳凰村季冬携童稚辛苦赴蜀門
南登木皮嶺艱險不易論汗流被我體祁寒爲之暄
遠岫爭輔佐千巖自崩奔始知五岳外別有他山尊
仰于塞大明俯入列厚坤再聞虎豹闈屢跼風水昏

高有廢閣道摧折如短轅下有冬青林石上走長根
西崖特秀發煥若靈芝繁潤聚金碧氣清無沙土痕
憶觀崑崙圖目擊玄圃存對此欲何適默傷垂老魂

儲光羲登泰嶺作一首

朝出猛獸林躩踞登高峯僮僕屢雲霧隨我行太空
羲和舒靈暉倏忽西極通迴首望涇渭隱隱如長虹
九達合蒼蕪五陵遙腫膝鹿遊大明殿露濕華青宮
網羅蟻螻時顧齒熊羆峯失途走江漢不能有其功
氣逐招搖星魂隨閭闔風唯言宇宙清復使車書同
秋禾被繁霜合沓連小紅鵬鴉厲羽翼俯視荆棘叢

誓將食鷓鴣然後歸崆峒

宋之問松山嶺一首

翼翼高旌轉鏘七鳳輦飛塵銷清蹕路雲濕從臣衣
白羽搖丹壑天宮逼翠微芳聲耀今古四海警宸威
宋之問度大庾嶺一首

度嶺方辭國停輶一望家魂隨南翥鳥淚盡北枝花
山雨初含霽江雲欲變霞但令歸有日不敢恨長沙
沈佺期遙同杜員外審言過嶺一首

天長地濶嶺頭分去國離家見白雲洛浦風光何所
似崇山瘴癘不堪聞南浮漲海人何處北望衡陽鴈

幾群兩地江山萬餘里何時重謁聖明君

盧照隣早度分水嶺一首

年年遊蜀道萬里向長安徒費周王粟空彈漢吏冠
馬蹄穿欲盡貂裘散轉寒層冰橫九折積石凌七盤
重溪旣下漱峻峰亦上千隴頭聞戍鼓嶺外咽飛湍
瑟瑟松風急蒼蒼山月團傳語後來者斯路成獨難

洞

儲光羲題茅山華陽洞一首

華陽洞口片雲飛細雨濛濛欲濕衣玉簫遍滿仙壇
上應是茅家兄弟歸

唐詩類苑 卷之四 詩 一
元結無爲洞口作一首

無爲洞口春水滿無爲洞傍春雲白愛此踟躕不能
去令人悔作衣冠客洞傍山僧皆學禪無求無欲亦
忘年欲問其心不能問我到此中得無悶

谷

杜甫赤谷一首

天寒霜雪繁遊子有所之豈但歲月暮重來未有期
晨發赤谷亭險艱方自茲亂石無改轍我車已載脂
山深苦多風落日童稚飢悄然村墟迴烟火何由追
貧病轉零落故鄉不可思常恐死道路未爲高人嗤

陶翰經殺子谷一首

扶蘇秦帝子舉代稱其賢百萬猶在握可爭天下權
束身就一劍壯志皆棄捐塞下有遺跡千齡人共傳
疏蕪盡荒草寂歷空寒烟到此盡垂淚非我獨潸然

王維愚公谷三首

愚谷與誰去惟將黎子同非須一處住不那兩心空
寧問春將夏誰論西復東不知吾與子若箇是愚公

又

吾家愚谷裏此谷本來平雖則行無跡還能響應聲
不隨雲色暗只待日光明緣底名愚谷都由愚所成

又

借問愚公谷與君聊一尋不尋翻到谷此谷不離心
行處曾無險看時豈有深寄言塵世客何處欲歸臨

盧照隣過東山谷口一首

不知利名險辛苦滯皇州始覺風塵倦歸來事綠疇
桃源迷處所桂樹可淹留跡異人間俗禽同海上鷗
古苔依井被新乳傍崖流野老堪成鶴山神或化鳩
泉鳴碧澗底花落紫岩幽日暮食龜殼天寒御鹿裘
不辨秦將漢寧知春與秋多謝青溪客去去赤松遊
詩唐類苑第十四卷終

唐詩類苑第十五卷

仁和卓明卿澂父編輯
華亭張之象玄超
長洲毛文蔚豹孫同校

水部

總水

駱賓王咏水一首

列名通地紀踈派合天津波隨月色靜態逐桃花春
照霞如隱石映柳若沉麟終當挹上善寓意淡交人

張文宗咏水一首

標名資上善流派表靈長地圖羅四瀆天文載五潢
方流涵玉潤圖折動珠光獨有家園吏樓偃玩濠梁

杜甫奉同郭給事湯東靈湫作一首

東山氣濛鴻宮殿居上頭君來必十月樹羽臨九州
陰火煑玉泉噴薄漲崑幽有時浴赤日光抱空中樓
闐風入轍迹曠原延冥搜沸天萬乘動觀水百丈湫
幽靈斯可怪王命官屬休初聞龍用壯擘石摧林丘
中夜窟宅改移因風雨秋倒懸瑤池影屈注蒼江流
味如甘露漿揮弄滑且柔萃旗淡偃蹇雲車分少留
蕭鼓蕩四溟異香泱泱浮蛟人獻徵綃曾祝沈豪牛

百祥奔盛明古先莫能儔坡陀金蝦蟆出見盖有由
至尊顧之笑王母不遣收復歸虛無底化作長黃虬
飄飄青瑣即文采珊瑚鈎浩歌綠水曲清絕聽者愁

杜甫三川觀水漲二十三韻一首

我經華原來不復見平陸北上惟土山連天走窮谷
火雲無時出飛電常在目自多窮岫雨行潦相厖蹙
翁翁川氣黃群流會空曲清晨望高浪忽謂陰崖踣
恐泥竄蛟龍登危聚麋鹿枯查卷拔樹礪魄共充塞
聲吹鬼神下勢閱人代速不有萬穴歸何以尊四瀆
及觀泉源漲反惧江海覆漂沙拆去岸漱壑松栢禿

唐詩卷之五
元卷之五
五
乘凌破山門迴幹倒地軸交洛赴洪河及閔豈信宿
應沈數州沒如聽萬室哭穢濁殊未清風濤怒猶蓄
何時通舟車陰氣不黓黓浮生有蕩汨吾道正羈束
人寰難容身石壁滑側足雲電屯不已艱險路更踖
普天無川梁欲濟願水縮因悲中林士未脫衆魚腹
舉頭向蒼天安得騎鴻鵠

元結樊上漫作一首

漫家郎亭下復在樊水邊去郭五六里扁舟到門前
山竹遶茆舍亭中有寒泉西邊雙石峯引望堪忘年
四鄰皆漁父近者多閑田且欲學耕釣於斯求老焉

岑參羅敷水歌送竇漸入京一首

羅敷昔時秦氏女千載無人空處所昔時流水至今
流萬事皆逐東流去此水東流無盡期水聲還似舊
來時岸花仍自羞紅臉堤柳猶能學翠眉春去秋來
不相待水中月色長不改羅敷養蚕耳不聞使君五
馬今何在九月霜天水正寒故人西去度征鞍水底
鯉魚幸無數願君別後垂尺素

王維白鬻澗一首

南山之瀑水兮激石瀉瀑似雷驚人相對兮不聞語
聲翻澗跳沫兮蒼苔濕蘚老且厚春草爲之不生獸

不敢驚動鳥不敢飛鳴白黿涸濤戲漱兮委身以縱
橫主人之仁兮不網不釣得遂性以生成

杜甫引水一首

月峽瞿塘雲作頂亂石崢嶸俗無井雲安沽水奴僕
悲魚復移居心力省白帝城西萬竹蟠接筒引水喉
不乾人生留滯生理難斗水何直百憂寬

杜甫春水生二首

二月六夜春水生門前小灘渾欲平驢鷺鷓鴣莫漫
喜吾與汝曹俱眼明

一夜水高二尺強數日不可更禁當南市津頭有船

賣無錢即買繫離傍

杜甫春水一首

三月桃花浪江流復舊痕朝來沒沙尾碧色動柴門
接縷垂芳餌連筒灌小園已添無數鳥爭浴故相喧

駱賓王秋水一首

貝闕寒流轍玉輪秋浪清圖雲錦色淨寫月練花明
泛曲鴟絃動隨軒鳳轄驚唯當御溝上悽斷送歸情

李白遊南陽白水登石激作一首

朝涉白水源暫與人俗踈島嶼佳境色江天涵清虛
目送去海雲心閒遊川魚長歌盡落日乘月歸田廬

杜甫江上值水如海勢聊短述一首
爲人性僻耽佳句語不驚人死不休老去詩篇渾漫
興春來花鳥莫深愁新添水檻供垂釣故著浮槎替
入舟焉得思如陶謝手令渠述作與同遊

崔顥澄水如鑑一首

聖賢將立喻上善貯情深潔白依全德澄清有片心
澆浮知不撓濫濁固難侵方寸懸高鑑生涯詎陸沈
對泉能自誠如鏡靜相臨庶慎傳家政流芳合古今

海水

李嶠咏海一首

習坎䷜丹壑朝中合紫微三山巨鰲湧九萬大鵬飛
樓寫青雲色珠含明月輝會因添霧露方逐衆川歸

張說入海二首

乘桴入南海海曠不可臨茫茫失方面混沌如凝陰
雲山相去沒天地互浮沉萬里無涯際云何其曠深
潮波自盈縮安得會虛心

又

海上三神山逍遙集衆仙靈心豈不同變化無常全
龍伯殊人類一釣兩鰲懸金臺此淪沒玉真時播遷
問子勞何事江上經幾年隰中生紅草所美非美然

孟浩然歲暮海上作一首

仲尼既已沒余亦浮于海昏見斗柄迴方知歲星改
虛舟任所適垂釣非有待為問乘槎人滄州復何在
詳據西陵口觀海一首

潮江漫湯湯近海勢弥廣在昔坏渾凝融為百川決
地形失端倪天色潛滉漾東南際萬里極目遠無象
山影乍浮沉潮波忽來往孤帆或不見棹歌猶想像
日暮長風起客心空振蕩浦口霞未收潭心月初上
林巘幾遭迴亭臯時偃仰歲晏訪蓬瀛真游非外獎

獨孤及觀海一首

北登渤海島迴首秦東門誰知造物巧鑿此天地源
瀕洞吞百谷周流無四垠廓然混茫際望見天地根
白日自中吐扶桑如可捫超遙蓬萊峯想像金臺存
秦帝昔經此登臨冀飛翻揚旌百神會望日群山奔
徐福竟何成羨門徒空言唯見石橋足千年潮水痕

宋務光海上作

曠哉朝夕池大矣乾坤力浩去無際沄沄深不測
崩騰翕衆流決漭環中國鱗介錯殊品氣霞饒詭色
天波混莫分島樹遙相識漢主探靈怪秦皇恣遊陟
搜竒大壑東竦望成山北方術徒相誤蓬萊安可得

唐詩卷之五十九部
吾君畧仙道至化孚淳默驚浪接窮溟飛航通絕域
馬韓底厥貢龍伯脩其職粵我邁休明匪躬期正直
敢輸鷹隼鷲以見豺狼忒海路行已殫輶軒未遑息
勞吾玄月暮旅涕滄浪極魏闕眇雲端馳心負歸翼

劉脊虛越中問海客一首

風雨滄洲暮一帆今始歸自云發南海萬里速如飛
飛謂落何處未將無所依冥茫漸西見山色月中微
微念去時遠人經此路稀泊舟悲且泣使我亦沾衣
浮海焉用說憶鄉難久違縱爲魯連子山路有柴扉

李白登高丘而望遠海一首

登高丘望遠海六鰲骨已霜三山流安在扶桑半摧
折白日沉光彩銀臺金闕如夢中秦皇漢武空相待
精衛費水石蠹蠹無所憑君不見驪山茂陵盡灰滅
牧羊之子來攀登盜賊劫寶玉精靈竟何能窮兵黷
武今如此鼎湖飛龍安可乘

岑參熱海行送崔侍御還京一首

側聞陰山胡兒語西頭熱海水如煮海上衆鳥不敢
飛中有鯉魚長且肥岸傍青草常不歇空中白雪遙
旋滅蒸沙爍石燃虜雲沸浪炎波煎漢月陰火潛燒
天地爐何事偏烘西一隅勢吞月窟侵太白氣連赤

坂通單于送君一醉天山郭正見夕陽海邊落柏臺
霜威寒逼人熱海炎氛爲之薄

張說送梁知微渡海東一首

今日此相送明年此相待天上客星迴知君渡東海

太宗春日望海一首

披襟眺滄海憑軾翫春芳積流橫地紀疏派引天潢
仙氣凝三嶺和風扇八荒拂潮雲布色穿浪日舒光
照岸霞分彩迷雲鴈斷行懷卑運深廣持浦守靈長
有形非易測無源詎可量洪濤經變野翠島屢成桑
之罘思漢帝碣石想秦皇霓裳非本意端拱且圖王

許敬宗奉和聖製春日望海一首

韓夷憊奉書憑險亂天常乃神弘廟畧橫海剪吞航
雷埜清玄菟騰和振白狼連雲飛巨艦編石架浮梁
周遊臨大壑降望極遐荒桃門通山抃蓬渚降霓裳
驚濤含蜃闕駭浪掩晨光青丘絢青組丹谷耀華桑
長驅七萃卒成功百戰場俄且旋戎路飲至肅岩廊
揚師道奉和聖製春日望海一首

春山臨渤海征旅輟晨裝迴瞰盧龍塞斜瞻肅慎鄉
洪波迴地軸孤嶼映雲光落日驚濤上浮天駭浪長
仙臺隱螭駕水府泛鼉梁碣石朝烟滅之罘歸鴈翔

唐詩卷之十五
北巡非漢后東幸異秦皇
舉旌羽林客跋距少年場
電擊驅遼水鵬飛出帶方
將舉青丘繳安訪白霓裳

高適和賀蘭判官望北海作一首

聖代務平典輜軒推上才
迢迢濱海際曠望滄波開
四牡未遑息三山安在哉
巨鼇不可釣高浪何崔嵬
湛湛朝百谷茫茫連九垓
挹流廣納大觀異增遲迴
日出見魚日月圓知蚌胎
跡非想像到心以精靈猜
遠色帶孤嶼虛聲涵殷雷
風行越裳貢水過天吳灾
攬轡隼將擊忘機鷗復來
緣情韻騷雅獨立遺塵埃
吏道竟殊用翰林仍忝陪
長鳴謝知己所媿非龍媒

王維送秘書晁監還日本國一首

積水不可極安知滄海東
九州何處遠萬里若乘空
向國惟看日歸帆但信風
鰲身映天黑魚眼射波紅
鄉樹扶桑外主人孤島中
別離方異域音信若爲通

江水

李嶠咏江一首

日夕三江望靈潮萬里迴
霞津錦浪動月浦練花開
湍似黃牛去濤如白馬來
英靈已傑出誰識卿雲才

王昌齡九江口作一首

漉上江勢闊雨開潯陽秋
驛門是高岸望盡黃蘆洲

水與五溪合心期萬里遊明時無棄才謫去隨孤舟
鷺鳥立寒木丈夫佩吳鉤何當報君恩却繫風霜頭

蘇味道九江口南濟北接蘄春南與潯陽岸

一首

江路一悠哉泊七九派來遠潭昏似霧前浦沸成雷
鱗介多潛育漁商幾泝洄風搖蜀柿下日照楚萍開
近漱湓城曲斜吹蠡澤隈錫龜猶入莫浮獸罷爲災
潭吏揮橈疾郵童整傳催歸心詎可問爲是落潮廻
宋之問入瀧州江一首
孤舟泛盈盈江流日縱橫夜襍蛟螭寢晨披瘴癘行

潭蒸水沫起山熱火雲生猿攫時能咲鷺飛莫敢鳴
海窮南徼盡鄉遠北魂驚泣向文身國悲有鑿齒氓
地偏多育蠱風惡好相鯨余本宮樓客悠哉慕王京
原恩常顧荅薄宦小祈成遠隱乖求志披荒爲近名
鏡愁玄髮改心負紫芝榮運啓中興曆時逢外域清
祇應保忠信延促付神明

李白荆門浮舟望蜀江一首

春水月峽來浮舟安望極正見桃花流依然錦江色
江色綠且明茫七與天平透迤巴山盡搖曳楚雲行
雪照聚沙鴈花飛出谷鶯芳州却已轉碧樹森森迎

唐詩卷之二十五 水部
流目浦煙夕揚帆海月生江陵識暹火應到渚宮城

宋昱晚次荆江一首

孤舟大江水木涉無昏曙雨暗迷津時雲生望鄉處
漁翁閑自樂樵客紛多慮秋色湖上山歸心日邊樹
徒稱竹箭美未得楓林趣向夕垂釣還吾從落潮去

杜甫曲江三章章五句三首

曲江蕭條秋氣高菱荷枯拆隨風濤遊子空嗟垂二
毛白石素沙亦相蕩哀鴻獨叫求其曹

又

即事非今亦非古長歌激越梢林莽比至豪華固難

數古人耳作心侶灰弟姪何傷淚如雨

又

自斷此生休問天杜曲幸有桑麻田故將移住南山
邊短衣匹馬隨李廣看射猛虎終殘年

王維奉和聖製賜史供奉曲江宴應制一首

侍從有鄒枚瓊筵就水開言陪柏梁宴新下建章來
對酒山河滿移舟草樹迴天文同麗日駐景惜行杯

杜甫曲江二首

一片花飛減却春風飄萬點正愁人且看欲盡花經
眼莫厭傷多酒入唇江上小堂巢翡翠苑邊高塚卧

麒麟細推物理須行樂何用浮名絆此身

又

朝回日日典春衣每日江頭盡醉歸酒債尋常行處
有人生七十古來稀穿花蛺蝶深深見點水蜻蜓款
款飛傳語風光共流轉暫時相賞莫相違

杜甫曲江對酒一首

苑外江頭坐不歸水精春殿轉霏微桃花細逐楊花
落黃鳥時燕白鳥飛縱飲久判人共棄懶朝真與世
相違吏情更覺滄洲遠老大徒悲未拂衣

杜甫曲江值雨一首

城上春雲覆苑牆江亭晚色靜年芳林花着雨胭脂
濕水荇牽風翠帶長龍武新軍深駐輦芙蓉別殿謾
焚香何時詔此金錢會暫醉佳人錦瑟傍

杜甫曲江陪鄭八丈南史飲一首

雀啄江頭黃柳花鮫鵲鷓鴣蒲晴沙自知白髮非春
事且盡芳樽恋物華近侍即今難浪跡此身那得更
無家丈人才力猶強健豈傍青門學種瓜

孟浩然宿建德江一首

移舟泊煙渚日暮客愁新野曠天低樹江清月近人

孟浩然下浙江一首

唐詩類苑 卷之十五 水部 十一 裴齊周本
八月觀濤罷三江越海潯迴瞻魏闕路空復子牟心

張說廣州江中作一首

去國歲方晏愁心轉不堪離人與江水終日向西南

姚元崇夜渡江一首

夜渚帶浮烟蒼茫晦遠天舟輕不覺動纜急始知牽
聽草遙尋岸聞香暗識蓮唯看孤帆影常恕客心懸

宋之問渡吳江別土長史一首

倚棹望茲川銷魂獨黯然鄉連江北樹雲斷日南天
劍別龍初沒書成鴈不傳離舟意無限催渡復催年

蕭穎士越江秋曙一首

扁舟東路遠曉月下江濱漱灑信潮上蒼茫孤嶼分
林聲寒動葉水氣曙連雲曠日浪中出榜歌天際聞
伯鸞常去國安道惜離群延首剡溪近求言懷數君

孟浩然宿永嘉江寄崔少府一首

我行窮水國君使入京華相去日千里孤帆入一涯
卧聞海潮至起視江月斜借問同舟客何時到永嘉

杜甫長江二首

衆水會涪萬瞿塘爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事即飛翻

二

浩浩終不息乃知東極臨衆流歸海意萬國奉君心
色借瀟湘濶聲驅灩澦深未辭添霧雨接上遇衣襟

郭元振春江曲一首

江水春沉沉上有雙竹林竹葉壞水色郎亦壞人心

張仲素春江曲二首

搖漾越江春相將採白蘋歸時不覺夜出浦月隨人

二

家寄征江岸征人幾歲遊不知潮水信每日到沙頭

三

乘曉南湖上參差疊浪橫前洲在何處霞裡鴈嚶嚶

李白江上吟一首

木蘭之枻沙棠舟玉簫金管坐兩頭美酒樽中置千
斛載妓隨波任去流仙人有待乘黃鶴海客無心隨
白鷗屈平辭賦懸日月楚王臺榭空山丘興酣落筆
搖五嶽詩成咲傲凌滄洲功名富貴若長在漢水亦
應西北流

張九齡自豫章南還江上作一首

歸去南江水磷磷見底清轉逢空闊處聊洗滯留情
浦樹遙如待江鷗近若迎津途別有趣况乃濯吾纓

張九齡江上一首

唐詩卷之十一
長林何繚繞遠水復悠悠盡日餘無見爲心那不愁
憶將親愛別行爲主恩酬感激空如此芳時屢已過
張九齡郡江南上別孫侍郎一首

雲嶂天涯盡川途海縣窮何言此地僻忽與故人同
身負邦君弩情紆御史驄王程不我駐離思逐秋風
孫翊奉酬洪州江上見贈一首

受命讞封疆逢君牧豫章於焉審虞芮復爾共舟航
悵別秋雲盡懷歸客思長江臯在離贈持此慰他鄉
孟浩然登江中孤嶼貽王迥一首

悠悠清江水水落沙嶼出迴潭石下深綠篠岸傍密
鮫人潛不見漁父歌自逸憶與君別時泛舟如昨日
夕陽開返照中坐興非一南望鹿門山歸來恨相失
杜甫渡江一首

春江不可渡二月已風濤舟楫欹斜疾魚龍偃卧高
渚花張素綿汀草亂青袍戲問垂綸客悠悠見汝曹
杜甫巴西驛亭觀江漲呈竇使君一首

宿雨南江漲波濤亂遠峯孤亭凌噴薄萬井逼春空
霄漢愁高鳥泥沙困老龍天邊同客舍携我豁心曾

二

轉驚波作怒即恐岸隨流賴有杯中物還同海上鷗

關心小剡縣傍眼見揚州爲接情人飲朝來減片愁
杜甫江漲二首

江發蠻夷漲山添雨雪流大聲吹地轉高浪蹴天浮
魚鼈爲人得蛟龍不自謀輕帆好去便吾道付滄洲

二

江漲柴門外兒童報急流下牀高數尺倚杖沒中洲
細動迎風鷺輕搖逐浪鷗漁人繫小楫容易拔船頭

孫逖江行有懷一首

秋水明川路輕舟轉石圻霜多山楫熟寒至浦禽稀
飛席乘風勢迴流蕩日暉晝行疑海若夕夢識江妃

野霽看吳盡天長望洽非不知何歲月一似暮潮歸

杜審言渡湘江一首

遲日園林悲昔遊今春花鳥作邊愁獨憐京國人南
窺不似湘江水北流

宋之問晚泊湘江一首

五嶺悽惶客三湘顛顛顏况復秋雨霽表裡見衡山
路逐鵬南轉心依鴈北還唯餘望鄉淚更染竹成班

張九齡使還湘水一首

歸舟宛何處正值楚江平夕暝烟村宿朝綠浦樹行
于役已弥歲言旋今愜情鄉郊向千里流目夏雲生

張九齡湘中作一首

湘流繞南嶽絕目轉青青懷祿未能已瞻途屢所經
煙嶼宜春望林猿莫夜聽永路日多緒孤舟天復冥
浮沒從此去嗟嗟勞我形

張九齡自湘水南行一首

落日催行舫逶迤洲渚間誰云有物役乘此更休閒
暝色生前浦清暉發近山中流澹容與唯愛鳥飛還

孟浩然夜渡湘水一首

客行貪利涉夜裡渡湘川露氣聞芳杜歌聲識採蓮
榜人投岸火漁子宿潭烟行侶時相問潯陽何處邊

劉脊虎暮秋揚子江寄孟浩然

木葉紛紛下東南日煙霜林山相晚暮天海空青蒼
暝色况復久秋聲亦何長孤舟蕪微月獨夜仍越鄉
寒笛對京口故人在襄陽味思勞今夕江漢遥相望

祖咏泊揚子岸一首

纔入維陽郡鄉閩此路遥林藏初過雨風退欲歸潮
江火明沙岸雲帆礙浦橋客衣今日薄寒氣近來饒

丁仙芝渡揚子江一首

桂楫中流望空波兩畔明林開揚子驛山出潤州城
海盡邊陰靜江寒朔吹生更聞楓葉下浙瀝度秋聲

唐詩類苑 卷之十五 水部 十一 李太白集本

李白橫江詞六首

人言橫江好儂道橫江惡一風三日吹倒山白浪高
於瓦官閣

二

海潮南去過潯陽牛渚由來險馬當橫江欲渡風波
惡一水牽愁萬里長

三

橫江西望阻西秦漢水東連揚子津白浪如山那可
渡狂風愁殺峭帆人

四

海神來過惡風迴浪打天門石壁開浙江八月何如
此濤似連山噴雪來

五

橫江館前津吏迎向余東指海雲生郎今欲渡緣何
事如此風波不可行

六

月暈天風霧不開海鯨東蹙百川迴驚波一起三山
動公無渡河歸去來

河水

李嶠咏河一首

唐詩類苑 卷之十五 水部 十八 山齋雜本

唐詩選苑 卷之十一 高適
源出崑崙中長波接漢空桃花來馬頰竹箭入龍宮
德水千年變榮光五色通若披蘭葉險漢使敢云功

高適同敬八盧五汎河間清河一首

清川在城下沿汎多所宜同濟愜數公翫物欣良時
飄飄波上興燕婉舟中詞昔涉乃平原今來忽漣漪
東流達滄海西流延滹池雲樹共晦明井邑相逶迤
稍隨歸月帆若與沙鷗期漁父更畱我前潭水未滋

王維渡河到清河作一首

汎舟大河裡積水窮天涯天波忽開拆郡邑千萬家
行復見城市死然有桑麻迴瞻舊鄉國淼漫連雲霞

李白題瓜州新河餞族叔舍人賁一首

齊公鑿新河萬古流不絕豐功利生人天地同朽滅
兩橋對雙閣芳樹有行列愛此如茸棠誰云能攀折
美閔倚此固天險自茲設海水落斗門平湖見沙汭
我行送季父弭棹徒流悅楊花浦江來疑是龍山雪
惜此林下興愴爲山陽別瞻望清路塵歸來空寂滅
儲光羲夜到京口入黃河一首

河洲多青草朝暮增客愁客愁惜朝暮在渚暫停舟
中宵大川靜解纜逐歸流浦淑旣清曠公洄非阻脩
登艦望落月擊汰悲新秋倘遇乘槎客未言星漢遊

李白公無渡河一首

黃河西來決崑崙咆哮萬里觸龍門波滔天堯咨嗟
大禹理百川兒啼不窺家殺湍湮洪水九州始蠶麻
其害乃去茫然風沙被髮之叟狂而痴清晨臨流欲
奚為旁人不惜妻止之公無渡河苦渡之虎可搏河
難馮公果溺死沉海湓下有長鯨白齒若雪山公乎
公乎挂臂於其間篋篋所悲竟不還

杜甫黃河二首

黃河北岸海西軍椎鼓鳴鍾天下聞鉄馬長鳴不知
數胡人高鼻動成群

黃河西岼是吾蜀欲須供給家無粟願驅衆庶戴君
王混一車書棄金玉

閻防與宋樂諸公泛黃河作一首

烟深載酒人但覺暮川虛映水見山火鳴榔聞夜漁
愛茲山水趣忽與世人踈無暇燃官燭中流有望舒

駱賓王晚渡黃河一首

千里尋歸路一蒿亂平源通波連馬頰迸水急龍門
照日榮光渾驚風瑞浪翻棹唱臨風斷樵謳入聽喧
岸迴秋霞落潭秋夕霧繁誰堪逝川上日暮他鄉魂

杜甫臨邑舍弟書至苦雨黃河泛溢隄防之

唐詩卷之十一 水部 二 患簿領所憂因寄此詩用寬其意一首

二儀積風雨百谷滿波濤聞道洪河折遙連滄海高
取司憂情七郡國訴嗷嗷舍弟卑棲邑防川領簿曹
尺書前日至版築不時操難假龜鼉力空瞻烏鵲毛
燕南吹畎畝濟上沒蓬蒿螺蚌滿近郭蛟螭乘九臯
徐關滌水府碣石小秋亭白屋留孤樹青天失萬艘
吾衰同泛梗利涉想蟠桃倚賴天涯釣猶能掣巨鰲

劉孝孫早發成臯望河一首

清晨發岩邑車馬走輾轅迴瞰黃河上倘恍屢飛鳧
鴻流導積石驚浪下龍門仙槎不辨處沉壁想猶存

遠近洲渚出颯沓鳧雁喧懷古空延停歎逝將何言

淮水

隈曲之水涓漣兮洞汨金光延起兮驟興沒青苔竟
兮綠蘋歇綠蘋歇兮凋朱顏媿人寂歷兮何時閑君
不見可憐桐柏上手葺桂樹花蒲山

閭丘曉夜渡淮一首

舟人自相報落日下芳潭夜火連河市春風蒲客帆
水窮滄海畔路盡小山南且喜鄉園近無言意未申

李嶠和杜學士旅次淮口阻風一首

夕吹生寒浦清淮上暝潮迎風欲舉棹觸浪反停橈

層言卷之十一
蘇漫煙波闊參差林岸遙日沉丹氣歛天敞白雲銷
水鴈銜蘆葉沙鳧隱荻苗客行殊未已川路幾迢迢
濟水

李頎與諸公遊濟瀆泛舟一首

濟水出王屋其源來不窮泝泉數眼沸平地流清通
皇帝崇祀典詔書視三公分官禱靈廟奠壁沉河宮
神應每如荅松篁氣葱龍蒼螭送飛雨赤鯉噴回風
洒洒布瑤席吹簫下玉童玄冥掌陰事祝史告年豐
百谷趨潭底三光懸鏡中淺深露沙石藻蘋生虛空
晚景臨汎美亭臯輕靄紅晴山傍舟楫白鷺驚絲桐

我本家潁北出門見維嵩焉知松峯外又有天壇東
左手正接羅浩歌眇青穹夷猶傲清吏偃仰狎漁翁
對此川上閒非君誰與同霜凝遠村渚月淨蒹葭叢
滋境信難遇爲歡殊未終淹留悵言別烟嶼夕微蒙
宋之問初宿淮口一首

孤舟汴河水去國情無已晚泊投楚鄉明月清淮裡
汴河東瀉路窮茲洛陽西顧日增悲夜聞楚歌思欲
斷况值淮南木落時

駱賓王早發淮口望盱眙一首

養蒙分四瀆習坎奠三荆徙帝流餘地封王表舊城

昏岸涵蜃氣潮浦應鷄聲州迴連沙靜川虛積溜明
一朝從捧檄千里倦懸旌背流桐柏遠逗浦木蘭輕
小山迷隱路大塊切勞生唯有貞心在獨映寒潭清

陶翰早過臨淮一首

夜來三渚風晨過臨淮島潮中海氣白城上楚雲早
鱗鱗漁浦帆漭漭蘆洲草川路日浩蕩怒焉心如擣
且言任倚伏何暇念枯槁范子名屢移邁公志常抱
古人已云去此理今難道

徐彥伯淮亭吟一首

自寂慮兮淮山幽伶芳若兮琴牛洲崩湍委咽日夜

流孤客危坐心自悲矧鶴唳兮風曉復猿鳴兮霜秋
熠燿飛兮蟋蟀吟何晴瑟兮橫涼琴韻瑤芳兮吊楚
水弄琪樹兮歌越岑山礪礪兮露淺深

涇水

徐玗日暮望涇水一首

導源經隴阪屬汭貫羸都下瀨波常忽迴圻溜亦紆
毒流秦卒斃泥糞漢田腴獨有迷津客懷歸慚暮途
洛水

李嶠詠洛一首

九洛韶光媚三川物候新花明丹鳳浦日映玉鷄津

元禮期仙客陳王觀麗人神龜方錫瑞綠字仲來臻
武后大享拜洛樂章十四首

九玄眷命三聖基隆奉成先旨明臺畢功宗祀展敬
冀表深衷末昌帝業式播淳風

二

神功不測兮運陰陽包藏萬宇兮孕八荒天符既出
兮帝業昌願臨明祀兮降禎祥

三

坎澤詞容備舉坤壇祭典爰申靈睭遙行秘祝嘉貺
荐委殊珍肅禮恭禋載展翹襟邈志逾殷方期交際

懸應缺

四

祗荷坤德欽若乾靈慙惕罔寘興起匪寧恭崇禮則
肅奉儀刑惟憑展敬敢薦非馨

五

菲躬承睿願薄德忝坤儀乾乾遵後命翼翼奉先規
撫俗勤雖切還淳化尚虧未能弘至道何以契明祇

六

顧德有慙虛菲明祇屢降禎符汜水初呈秘象溫洛
荐表昌圖玄澤流恩載洽丹襟荷渥增愉

七

舒雲致養合大資生德以恒固功由永貞升歌薦序
垂幣翹誠虹開王照鳳引金聲

八

蘭俎既昇蘋羞可薦金石載設咸英已變林澤斯總
山川是遍敢用敷誠實惟忘倦

九

沈潜演貺分三極廣大凝禎總萬方既薦羽旌文化
啓還呈千戚武威揚

十

夕惕司龍契曩競當鳳袞崇儒習舊規偃霸循先旨
絕壤飛冠蓋遐區麗山水幸承三聖餘忻屬千年始

十一

百禮崇容千官肅事靈降武兆神凝有粹莫享咸周
威儀畢備奏夏祭列歌雍撤肆

十二

皇皇靈睠穆穆神心慙動疑質還歸積陰功玄樞紐
理寂高深銜恩佩德聳志翹襟

十三

言旋雲洞兮踞煙途永寧中字兮安下都包涵動植

今順榮枯長貽寶貺兮替璇圖

十四

調雲闕兮神座興驟雲駕兮儼將昇騰絳霄兮垂景
祐翹丹懇兮荷休徵

太宗洛水一首

春蒐馳駿骨總轡俯長河霞處流縈錦風前潑卷羅
水花翻照樹堤蘭倒挿波豈必汾陰曲秋雲發棹歌
薛脊惑奉和進船洛水應制一首

禁園紆睿覽仙棹叶宸遊洛北風花樹江南彩畫舟
縈生蘭蕙草春入鳳凰樓興盡誰言暮煙光起夕流

李嶠奉和受圖溫洛應制一首

七萃鑾輿動千年瑞檢開文如龜負出圖似鳳銜來
殷薦三禋享明禋萬國陪周旗黃鳥集漢帳紫雲迴
日暮鈎陳轉清歌上帝臺

蘇味道奉和受圖溫洛應制一首

綠綺膺河檢青壇俯洛濱天旋俄制蹕孝享屬嚴禋
陟配光三祖懷柔泊百神霧開中道日雪歛屬車塵
預奉咸英奏長歌億萬春

牛鳳及奉和受圖溫洛應制一首

八神承玉輦六羽警瑤溪戒道伊川北通津澗水西

唐詩苑 卷之十五 水部 十六
御圖開洛價刻石與天齊
瑞日波中上仙禽霧裡低
微臣矯弱翻抃舞接鳧鷺

渭水

岑參西過渭州見渭水思秦川一首

渭水東流去何時到雍州
憑添兩行泪寄向故園流
崔國輔渭水西別季崙一首

隴外長亭候山深古塞秋
不知嗚咽水何事向西流
漢水

孟浩然漢中漾舟一首

漾舟逗何處神女漢臯曲
雪罷冰復開春潭千丈綠

輕舟恣往來探翫無厭足
波影搖妓釵沙光逐人目
傾杯魚鳥醉聯句鶯花續
良會難再逢日入須秉燭
宋之問渡漢江一首

嶺外音書斷經年復歷春
近鄉情更怯不敢問來人
宋之問渡漢江宴別一首

漢廣不分天舟移杳若仙
秋虹映晚日江鶴弄晴烟
積水浮冠蓋遙風逐管絃
嬉遊不可極留恨此山川
岑參與鮮于庶子泛漢江一首

急管更須吹杯行莫遣遲
酒光紅琥珀江色碧琉璃
日影浮歸棹蘆花罨釣絲
山公醉不醉問取葛疆知

王維漢江臨汎一首

楚塞三湘接荆門九派通江流天地外山色有無中
郡邑浮前浦波瀾動遠空襄陽好風日留醉與山翁

李白金陵望漢江一首

漢江廻萬里派作九龍盤橫潰豁中國崔嵬飛迅湍
六帝淪亡後三吳不足觀我君混區宇垂拱衆流安
今日任公干滄浪罷釣竿

梁洽觀漢水一首

發源自嶓塚東注經襄陽一道入溟渤別流爲滄浪
求思咏游女投吊悲昭王水濱不可問日暮空湯湯

儲光羲漢陽即事一首

楚國千里遠孰知方寸遠春遊歡有客夕寢賦無衣
江水帶冰綠桃花隨雨飛九歌有深意捐珮乃言歸

李百藥王師渡漢水經襄陽一首

導漾疏源遠歸海會流長延波接荆夢通望邇沮漳
高岸沉碑影曲淑麗珠光雲昏翠島沒水廣素濤揚
閼川已多歎遐睇幾增傷臨溪猶駐馬望峴欲沾裳
喬木下寒葉亭林落曉霜山公不可遇誰與訪高陽

李百藥渡漢江一首

東流旣溈匕南紀信滔滔水急沈碑岸波駭弄珠臯

含星映淺石浮蓋下奔濤溜濶霞光近川長曉氣高
檣鳥轉輕翼戲鳥落風毛客心旣多緒長歌且代勞
唐詩類苑第十五卷終

